



Mam rag n bee ne Nabiyaamã (Wënd puusg la A tigr be a yĩnga), t'a wa tug n ta neb tãmpuure, n ruude, t'a yaa sën yãse

Yii a Huzayfa nengë, (Wënd yard be a yĩnga) ayeelame: Mam rag n bee ne Nabiyaamã (Wënd puusg la A tigr be a yĩnga), t'a wa tug n ta neb tãmpuure, n ruude, t'a yaa sën yãse, ti mam lake, t'a yeele: «pënege», ti mam pënege, halu n tug n wa yals a kirëngë wã, t'a yök koom n saag a no-wuud a yiibã.

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

A Huzayfa [bn Al-Yamaan (Wënd yard be b yiibã yĩnga) kōta kibare ti yë rag n bee ne Nabiyaamã (Wënd puusg la A tigr be a yĩnga) t'a wa rat n na n ruude, (Wënd puusg la A tigr be a yĩnga) t'a kë neb tãmpuure, yë me la zīg ning b sën lobd sagdã la tomã, b sën puud zagsë wã, t'a ruude, t'a yaa sën yase, la Nabiyaamã rag n minimame n ruutë t'a yaa sën zĩ. t'a Huzayfa zãage, ti Nabiyaamã (Wënd puusg la A tigr be a yĩnga) yeel-a: pënege, t'a Huzayfa pënege, halu n tug n yals a poorë wã, a nao-tagdr kirëngë; n na n lud ti ned ka tõe n ges-a halhaal-kãngã pugë ye. Rë poorë ti Nabiyaamã (Wënd puusg la A tigr be a yĩnga) yök koom, la a sën wa n na n pek a nao a yiibã, a kell n sek a meng ne nao-wuud a yiibã saagre - bãmb me la bũmb ning sën pit naorë wã, ti yaa gãong n yaa faaga la sën wõnd rë n lut na-kug a yiibã- a ka foog-ba a sën ning-ba poorë ye.

<https://sunnah.global/hadeeth/mos/show/3075>

